


AYIG - AYIG

DESA ADAT RENDANG




x
x
x x x
x x x
x x x
x
x

DESA RENDANG
KECAMATAN RENDANG
KAB. DATI. II KARANGASEM
BALI

MAKA BATANG AWIG-AWIG DESA ADAT RENDANG

AWIG-AWIG

DESA ADAT RENDANG



Part 1. Indik Krana	1
Part 2. Indik Krana	2
Part 3. Indik Krana	3
Part 4. Indik Krana	4
Part 5. Indik Krana	5
Part 6. Indik Krana	6
Part 7. Indik Krana	7
Part 8. Indik Krana	8
Part 9. Indik Krana	9
Part 10. Indik Krana	10
Part 11. Indik Krana	11
Part 12. Indik Krana	12
Part 13. Indik Krana	13
Part 14. Indik Krana	14
Part 15. Indik Krana	15
Part 16. Indik Krana	16
Part 17. Indik Krana	17
Part 18. Indik Krana	18
Part 19. Indik Krana	19
Part 20. Indik Krana	20
Part 21. Indik Krana	21
Part 22. Indik Krana	22
Part 23. Indik Krana	23
Part 24. Indik Krana	24
Part 25. Indik Krana	25
Part 26. Indik Krana	26
Part 27. Indik Krana	27

DESA RENDANG
KECAMATAN RENDANG
KAB. DATI. II KARANGASEM
BALI

PIDAGING
MAKA BATANG AWIG-AWIG DESA ADAT RENDANG

“Widang”

MURDHA CITTA	1
SARGA I ARAN LAN WEWIDANGAN DESA	1
SARGA II PETITIS LAN PAMIKUKUH	3
SARGA III SUKERTA LAN TATA KRAMA	4
Palet 1. INDIK KRAMA	4
Palet 2. INDIK PRAJURU	6
Palet 3. INDIK PARUMAN LANSANGKEPAN	8
Palet 4. INDIK KULKUL	9
Palet 5. INDIK DRUWEN DESA	10
Palet 6. SUKERTA PAMITEGEP	11
Kaping 1. Indik Tegal, Bangket lan Karang	11
Kaping 2. Kekayonan	13
Kaping 3. Wawangunan	14
Kaping 4. Wewalungan	14
Kaping 5. Indik Bhaya	15
Kaping 6. Panyanggran Banjar	16
SARGA IV SUKERTA TATA AGAMA:	17
Palet 1. INDIK PARYANGAN	19
Palet 2. INDIK YADNYA	20
Palet 3. INDIK RESI YADNYA	23
Palet 4. INDIK PITRA YADNYA	24
Palet 5. INDIK MANUSA YADNYA	27
Palet 6. INDIK BHUTA YADNYA	27
SARGA V SUKERTA TATA PAWONGAN:	
Palet 1. INDIK PERABIAN	30
Palet 2. INDIK PALAS MARABIAN	32
Palet 3. INDIK SENTANA	34
Palet 4. INDIK WARISAN	35

SARGA VI	WICARA LAN PAMIDANDA :	38
Palet 1.	INDIK WICARA	38
Palet 2.	INDIK PAMIDANDA	39
SARGA VII	NGUWAH-NGUWUHIN DAGING AWIG-AWIG	40
SARGA VIII	P E M U P U T	40
Lampiran :	TEAM PENYEMPURNAAN/PENELITI AWIG-AWIG DESA ADAT KABUPATEN DAERAH TINGKAT II KARANGASEM	43

"Widar"

widar

MURDHA - CITTA

ANG, UNG, MANG, OM, SIDHARASTHU PARIPURNAM

*OM swastyastu, om awighnam Asthu nama Sidham, putusing
paseban Krama Desa Adat Rendang, ginawe Awig-Awig Desa
Pakraman, pinake sepat mwang siku-siku pematut, winastu
kasidan prayojanan mami kabeh sumungkem m:wah
amagehakena kadi linging Awig-Awig iki.*

SARGA I

ARAN LAN WEWIDANGAN DESA

Pawos 1

- (1) Desa Adat puniki mawasta Desa Adat Rendang.
- (2) Wewengkon wewidangannia mawates nyatur mekadi :
 - a. Sisi Kangin : Tukad Telaga Waja.
 - n. Sisi Kelod : Desa Adat Segah.
 - c. Sisi Kauh : Tukad Yeh Jinah.
 - r. Sisi Kaler : Desa Adat Menanga.

Pawos 2

- (1) Wewengkon Desa Adat Rendang puniki kemanggehang olih pepupulan karang ayahan Desa lan karang paumahan, Setra, bangket lan tegal sane si-nanggeh palemahan Desa Adat. Desa Adat Rendang kesanggra antuk 12 banjar:

1. Banjar Langsung
2. Banjar Rendang Tengah
3. Banjar Daging Pasar
4. Banjar Baler Pasar
5. Banjar Rendang Kelod
6. Banjar Bencingah
7. Banjar Bangbang Kangin
8. Banjar Bangbang Kawan
9. Banjar Bangbang Pande
10. Banjar Pringalot
11. Banjar Muku
12. Banjar Geria.

Pawos 3

Wewengkon Desa Adat Rendang sampun manut ring kawentenan Tri Mandala sekadi :

- a. Utama Mandala : Tegak Parhyangan.
- n. Madya Mandala : Genah Pepupulan karang Paumahan, telajakan Desa, rurung mwan tukad, lan sapenunggilannya.
- c. Nista Mandala : Setra.

Pawos4

- (1) Swang-swang Banjar wenang ngardi Awig-Awig, paswara, lan perarem ma-ka pamikukuhnya.
- (2) Awig-Awig peswara lan perarem sane kamanggehang ring banjar tan dados lempas ring Awig-Awig, peswara mwan perarem sane manggeh ring desa, turmaning sampun kasupeksa antuk prajuru desa, maka pamikukuhnya.

SARGA II

PATITIS LAN PAMIKUKUH

Pawos 5

Desa Adat Rendang puniki ngemanggehang dasar lan pamikukuh :

- (1) Pancasila lan Undang-Undang Dasar 1945.
- (2) Tri Hita Karana.

Pawos 6

Desa Adat Rendang ngemanggehang petitis luwiripun :

- (1) Mikukuhin mwanng ngerajegang Sang Hyang Agama.
- (2) Ngerajegang kasukertan Desa sekala niskala.

SARGA III
SUKERTA LAN TATA KRAMA

Palet 1

INDIK KRAMA

Pawos 7

- (1) Sane kabawos Krama Desa inggih punika Sang maagama Hindhu sane sampun bulangkep.
- (2) Krama Desa manut pepalihan wenten kalih soroh :
 - a. Kulawarga sane baluangkep saha ma-agama Hindhu, tur sampun ngeranjing makrama desa sinanggeh Kerama Desa Adat Rendang.
 - n. Kulawarga sane mawiwit saking dura desa, risampun jumenek magenah lintang ring tigang sasih, sinanggeh Kerama Tamiu.

Pawos 8

Indik ayah-ayahan Kerama Desa :

- (1) Sehanan kerama sane ngamong karang paumahan druwen desa sanunggil aci Ngusaba Desa patut ngaturang pasabuh ka desa manut kaputusan pararem desa.
- (2) Sehanan bangket sane magenah ring wawidangan Desa Adat Rendang wenang ngaturang pangajeg kadesa agung alit manut kaputusan pararem desa.
- (3) Sehanan kerama desa manut kawerdiania ring kula warga patut keni ayahan ring desa manut dudonan luwire :
 - a. Ayahan ngarep, kulewarga sane sampun mapekuren.
 - n. Ayahan balu, kerama pangele sane makerama manut dudonan.
 - c. Ayahan balu-angkep kapastikayang antuk yusa 15 warsa.
- (4) Kramā sane putung utawi camput luput saking ayahan utawi pakeninan.

- (5) Sane kasinanggeh nyada sekadi ring sor :
- a. Sampun wenten nyaledihin olih sentanane sane marabian pinih riin.
 - n. Sane sampun mayusa 65 warsa.
 - c. Sane macihna sungkan-sungkanan.

Pawos 9

Ngawit dados krama desa :

- (1) Mawates pawiwahan sasampun 3 sasih.
- (2) Ngawit jumenek magenah riantukan ngerereh pangupa jiwa sajeroning palemahan Desa Adat Rendang tur sampun bulangkep mawates 3 sasih.
- (3) Krama sane matulak wali ka Desa Adat Rendang sangkaning rahayu, patut tedun makrama desa malih, saha wenang naur pangepok agung alit manut pararem.

Pawos 10

Swadarmaning krama :

Indik tategenan :

- (1) Krama ngarep keni ayah utawi papeson mamungkul.
- (2) Krama pangele keni ayah miwah papeson asigar.
- (3) Krama putung utawi camput luput saking ayah utawi papeson.
- (4) Krama tamiu keni sesabuh beras 10 kg satahun sanunggil aci ring Pura Dalem.
- (5) Sahananing krama desa sane ninggal desa sangkaning rahayu magenah ring dura desa, kantong kaiket antuk Desa Adat Rendang turmaning wenang ngaturang dana punia ka desa.

Pawos 11

Indik petuas krama :

- (1) Krama putung utawi camput luput saking ayah utawi papeson.
- (2) Unagi desa luput ayah-ayahan kalih papeson ring desa.
- (3) Prajuru desa iwah Kelian Banjar luput ring sahananing papeson ring desa.
- (4) Para sulinggih luput saking ayah-ayahan kalih papeson ring Desa Adat Rendang.
- (5) Krama desa lan krama tamiu wenang polih pasayuban ring ngamanggehang kasukertan raga, agama, mwanng padruwean nyane soang-soang.

Palet 2

INDIK PRAJURU

Pawos 12

- (1) Desa Adat Rendang puniki kaenterang antuk prajuru desa maka pamucuk Bendesa Adat.
- (2) Tata cara ngadegang prajuru desa :
 - a. Mewiwit saking ayahan ngarep tur nenten cedangga.
 - n. Wikan ngawacen lan yurat aksara Bali utawi latin.
 - c. Kaadegang malarapan antuk pamilihan paruman desa sanunggil 8 warsa, sajawaning wenten sios indik, tur dados kapilih malih saha kadulurin antuk upkara pejati ring kahyangan desa.

Pawos 13

Prajuru Desa Adat Rendang luwire :

- a. Bendesa Adat.
- n. Pengeliman pinaka wakilnyane.

- c. Penyarikan desa kasinanggeh juru surat.
- r. Sedahan kasinanggeh juru raksa.
- k. Juru arah kasinanggeh kasinoman.
- d. Kelian-kelian Banjar kasinanggeh petangan Bendesa Adat.

Pawos 14

Swadarmaning prajuru Desa Adat :

- (1) Ngenterang pamargin awig-awig, paswara miwah pararem.
- (2) Nuntun krama desa ritepengan ngupadeang patitis.
- (3) Nuntun miwah ngupesaksi krama desa rikala ngamargiang swadarmaning ka-uripan
- (4) Pinaka duta desa rikala nemuang babawos.
- (5) Mawosin miwah niwakang pamutus ring sahanan wicara sane metu ring desa.
- (6) Bendesa Adat pinaka pengayom rikala prajuru ngenterang swadarmannyane soang-soang.
- (7) Prade prajuru mamurug kecaping awig-awig keni pamidanda nikel ring krama desane, wiyadin kenin kausanang manut paruman desa.

Pawos 15

Petuas prajuru desa :

- (1) Olih-olihan prajuru desa adat manut dudonan.
- (2) Luput saluwiring pakeninanring Desa Adat Rendang.
- (3) Cenengan sehananing babagian ring desa.

Pawos 16

Prajuru kagentosin riantukan :

- (1) S e d a.
- (2) Macihna sungkan-sungkanan.
- (3) Sangkaning pinunas ngaraga risampun kalugrahin antuk paruman desa.
- (4) Macihna malaksana corah.

Palet 3

INDIK PAPARUMAN LAN SANGKEPAN

Pawos 17

- (1) Pasangkepan prajuru Desa Adat kamargiang satunggil 3 sasih, nuju Redite Umanis sajawaning kapadgatakala.
- (2) Paparuman lan sangkepan prajuru kaenter olih Bendesa Adat.
- (3) Sangkepan krama Desa Adat Rendang kamargiang sinunggil 6 sasih ring rahina Redite Umanis Wuku Langkir.
- (4) Pamargin sangkepan lan paparuman sane karajegang ring Desa Adat Rendang :
 - a. Matengeran swaran kulkul desa.
 - n. Krama desa mangda mabusana adat.
 - c. Sadurung pangawit paparuman patut mapiuning ring begawan Penyarikan maduluran antuk cane.
 - r. Pamutus bawos kaaptiang mangda saguluk pacang ngupadiang patitis. Yan tan prasida, swara sane makehan pinaka pamutus.

Pawos 18.

- (1) Ring sajeroning sangkepan, Bendesa adat patut ngawedar sapamargin pangenter desa nganinin :
 - a. Indik druwen desa.
 - n. Pangerencana mwang usaha desa.
 - c. Pamutus wicara mwang tatepasan.
 - r. Ngalimbakang sahananing babuat sang amawarat.
- (2) Nyejerang sahaning paswara saha nitenin pamutus sangkepan desa.
- (3) Pamutus paruman desa kasinanggeh negepin daging awig-awig.
- (4) Pamutus pangerencana sane malarapan paswara desa wenang kamargiang turmaning sinanggeh paswaran desa.

Palet 4

INDIK KULKUL

Pawos 19

- (1) Desa adat patut madruwe kulkul.
- (2) Suaran tatepekan kulkul patut matiosan manut wiguna luwire :
 - a. Tengeran wali, patut nguntit manut puja astawa.
 - n. Tengeran tedun ngayah, maka panulus daging arah-arah.
 - c. Tengeran kesediaan utawi kepademan sangkaning rahayu.
 - r. Tengeran pawiwahan patut nguntit kalih tuludan.
 - k. Tengeran kapancabaya :
 1. Artabaya lan kabayapati, majalaran kepet pati, kabaak, 3 tuludan bulus.
 2. Kagenibaya, kalih tuludan bulus.
 3. Katoyabaya, bayubaya, atuludan bulus.
 - d. Sanunggil wenten suaran kulul kadi sinanggeh ring patet 2.k, wenang katimbal olih kulkul banjar-banjar.
 - t. Tengeran kulkul ngawangdeang makarya atuludan lambat ngampel.

Pawos 20

- (1) Kulkul desa tan wenang katepak, yan tan sangkaning pituduh prajuru. Yan mamurug kadanda beras 100 kg.
- (2) Rikala katiben pancabaya, sapa sira ugi wenang nepek kulkul manut tatenge bayane tur sasampun nepek patut atur supeksa ring prajuru desa. Yan tan jati wenten baya sang nepek danda beras 100 kg.
- (3) Kulkul banjar wiadin kulkul sekeha-sekeha tan wenang matehin sukat miwah suaran kulkul desa. Yang kapurug kulkul inucap kadaut olih desa.

Palet 5

INDIK DRUWEN DESA

Pawos 21

Druwen Desa Adat Rendang sakadi sane sinanggeh ring sor puniki :

- (1) Pura Kahyangan-tiga : Pura Puseh, Pura Desa - Bale Agung, Pura Dalem-Pura Prajapati, Pura Perubungan (Jagat-Natha), Pura Melanting lan Pura Pabijian.
- (2) Tanah pelaba Pura Kahyangan-tiga : Pura Desa-Bale Agung, Pura Puseh, mwang Pura Dalem-Prajapati.
- (3) Tanah ayahan desa saha telajakania.
- (4) Setra kalih pelebahan : Setra Pemajangan kalih Setra Pamuun.
- (5) Pasar Desa, Lapangan Desa, Tegak Sekolahan, Genah Pebijian, margi.
- (6) Bale Desa.

Pawos 22

- (1) Prajuru patut ngetangan padruwen desa.

- (2) Paupon-upon druwen desa patut kaanggen prebeya pawangunan ring desa, miwah pangaci.
- (3) Prajuru adat patut ngalekitayang sakeluwiring padruwen desa.

Pawos 23

- (1) Sakeluwiring aturan, dana punia miwah sanc siosan kakcerabang olih prajuru desa.
- (2) Sahananing busana ring pura patut kasimpen ring pasimpenan desa turmaning kasupeksa olih prajuru desa.

Pawos 24

- (1) Tan kalugra ngadol, ngantahang wiyadin makedihang sahananing padruwen desa, sejawaning polih putusan paruman desa.
- (2) Sakaluwiring pabuat rencana patut karincikang olih prajuru desa, sasampun kapikukuhin antuk paruman desa wawu dados kamargiang.

Palet 6

SUKERTA PAMITEGEP

Kaping 1

Indik Tegal, Bangket lan Karang

Pawos 25

- (1) Sehanan tegal, bangket lan karang wenang madruwe wates sane sampun pastika.
- (2) Sahanan karang paumahan patut polih margi.

Pawos 26

- (1) Kramā sane ngenahin karang patut nyengker karangnyane soang-soang antuk tembok, sanistania antuk pagehan. Yan mamurug kadanda beras 10 kg.
- (2) Wates karang patut magaleng kadulu.
- (3) Tan wenang ngembakang sombah kamargine, karurunge utawi pakarangan anak siosan, tur patut kakaryanang blungbang. Yan mamurug kadanda beras 1 kg tur sombah inucap kapetet.
- (4) Tan wenang mendem utawi ngeseng sawa ring desa pekraman sajawaning layon sang sulinggih. Yan mamurug kadanda upekara pamarisuda ring genah inucap.
- (5) Tan wenang makta pengusungan sawa sane pecak mangge saking setra kadesa pekraman sajawaning layon sang sulinggih. Yan mamurug kadanda upekara pamarisuda ring genah inucap.

Pawos 27

- (1) Krama camput utawi putung, ayahan tanahkarang mawali kadesa.
- (2) Karang ayahan desa patut ngaturangpasabuh kadesa sanunggil usaba desa ring Purnamaning Sasih Kapat.
- (3) Tan wenang mendem utawi ngeseng sawa sane pecak mangge saking setra kadesa pekraman sajawaning layon sang sulinggih. Yan mamurug kadanda upekara pamarisuda ring genah inucap.

Pawos 28

- (1) Tegal wenang magaleng kadulu, bangketwenang magaleng kateben.
- (2) Wates tegal utawi bangket patut pastika samalihnia sampun sami adung ring panyanding.

Pawos 29

- (1) Sang sapa sira ugi tan wenang ngalahlahang karang paumahan, karang tegak suci, tegal, bangket, setra lan margi.
- (2) Yan prade mamurug patut ngawaliang karang sane kalahlah saha kadenda beras 5 kg, tur maweweh upekara penyangaskara yan prade sane kalahlah kasinaggeh tegak karang suci.

Kaping 2

K a k a y o n a n

Pawos 30

- (1) Ngawit nandur tanem tuwuh patut ameter tengah ngajeroang saking watese.
- (2) Prade wenten taru sane mentik ring sajeroning wates kengin kewara antuk penyanding, mangda taru inucap karebah kasaksinin antuk prajuru desa tur taru inucap kapinaro tiga, asiki katur ring prajuru sane maritetes, muah sane kakalih kaepah ring sang madruwe wates manut lokika.
- (3) Prade wenten kasinanggeh mayanin, sang kajerihan patut atur supekta ring prajuru desa mangdene taru inucap karebah, sanistania kapunggul.
- (4) Prade wenten mayanin wawangunan, sane keni prabeya mecikang wawangunan inucap saha panyangaskara utawi pakeludan :
 - a. Sang madruwe wit taru sane kasinanggeh mayanin risampun polih kewara.
 - n. Sang ngarebah utawi munggul taru inucap.
 - c. Taru inucap kapinaro tiga, apah tigaan kadesa kalih pah tigaan kaepah ring sane madruwe wates manut lokika.

W a w a n g u n a n

Pawos 31

- (1) Wawangunan sajeroning karang patut sekadi ring sor :
 - a. Wawangunan ring karang paumahan tan kalugra ngungkulin panyengker Pura utawi Banjar. Yan mamurug kapidanda 50 kg beras tur wangunan inucap patut kaured, sanistania kakaryanang abangan.
 - n. Wawangunan soang-soang krama desa mawaneng sanistania adepa saking panyengker.
- (2) Prade wenten wawangunan ring telenging wates, patut ngawentenang paigum ring penyandingnia tur masadok ring prajuru desa. Prade mamurug kantor riwekas mawicara wenang wawangunan inucap kagubar saha tan polih prabeya.
- (3) Tan kalugra mapawangun ring karang desa sadurung polih panugrahan saking prajuru desa. Yan mamurug kapidanda 100 kg beras saha wangunan inucap patut kagubar.
- (4) Tan kalugra ngawangun tenten utawi genah maadolan ring telajakan pura, telajakan banjar wiadin telajakan karang. Yan mamurug kapidanda 50 kg beras saha wawangunan inucap patut kagubar.

Kaping 4

W e w a l u n g a n

Pawos 32

- (1) Sehananing krama desa sane mamiara wewalungan, patut sayaga nitenin negul, ngandangin mangda tan ngarusak karang utawi pakubonan krama siyosan, bilih-bilih kantos ngaranjing kapura.
- (2) Yan prade wenten mamurug kadi inucap ring ajeng, wewalungan inucap patut kataban tan rangkungan ring arahina tur digelisatur, supeksa ring prajuru, sang madruwe wewalungan wenang kapidanda 5 kg beras tur nawur prabeya sane

karusak kalih maweweh panyangaskara yan kantos ngarusak genah sane kasi-nanggeh suci.

- (3) Yan ring pakarangan, carik miwah tegal patut ngawaliang sane karusak tur nebas wewalungan sane kataban manut pangarga sane kaputus antuk prajuru desa. Sang naban polih saparo, kadesa utawi Jaga Bhaya saparo. Yan tan prasida patut katur ring sang amawarat.

Pawos 33

- (1) Tan kalugra ngangonang wawalungan ring :
- a. Palemahan khayangan utawi pura.
 - n. Ring tanah desa wiyadin pakubonan krama desa siosan.
 - c. Ring margi agung lan margi desa.
 - r. Ring tanah setra.
 - k. Ring lapangan umum.

Kaping 5

Indik Bhaya

Pawos 34

- (1) Sane kasinanggeh bhaya punika panca bhaya, luwir ipun :
- a. Jiwa bhaya utawi kabhayapati.
 - n. Geni bhaya utawi kapuwunan.
 - c. Bayu bhaya utawi angin linus.
 - r. Toya bhaya utawi kagentuhang.
 - k. Artha bhaya utawi kemalingan.
- (2) Ritatkala katiben Pancabaya, sang sapa sira ugi kapatut nepek kulkul manut tatenger bhayane tur sasampune nepek patut atur supeksa ring prajuru desa. Yan tan jati wenten bhaya wenang kapidanda 100 kg beras.
- (3) Tatengeran kulkul kapancabhaya manut pawos 19 wiwit (2) aksara k.
- (4) Yan wenten krama desa katiben artha bhaya luwir ipun kamalingan patut rigelis atur supeksa ring sang amawarat.

Kaping 6

Panyanggran Banjar

Pawos 35

- (1) Banjar sane wenten ring Desa Adat Rendang patut nyanggra sakeluwiring sane kawangun olih Desa manut Awig-Awig Banjar.
- (2) Yan wenten krama camput klian banjar patut ngupeksayang ring prajuru Desa.
- (3) Rikala krama Desa ngewangun yadnya dados nyarad pengerombo ring banjar.
- (4) Swang-swang banjar patut maduwe Awig-Awig rikalaning ngemanggehang tata cara penyanggra pekarya ring kramane.
- (5) Krama utawi banjar dados nyarad Banjar siosan risampun polih panugrahan saking prajuru Desa.

SARGA IV

SUKERTA TATA AGAMA

Palet 1

INDIK PARYANGAN

Pawos 36

- (1) Sane kemanggehang Kahyangan Desa Adat Rendang luwire :
 - a. Pura Penataran Bale Agung.
 - n. Pura Puseh.
 - c. Pura Dalem - Pura Praja Pati.
 - r. Pura Perubungan (Jagat Natha).
 - k. Pura Melanting.
- (2) Pengaci-aci ring kahyangan inucap kesanggra olih Desa.
- (3) Pujawali piodalan ring kahyangan Desa Adat Rendang wenten kalih palihan luwire: Pewatekan utawi piodalan lan Usaba Desa.
- (4) Pewatekan utawi piodalan kemargiang nem sasih mekadi : Piodalan ring Pura Penataran Bale Agung, nuju rahina Buda Wage Ukir. Piodalan ring Pura Puseh, ring rahina Buda Kliwon Ugu. Piodalan ring Pura Dalem/Praja Pati, ring rahina Anggara Kliwon Kulantir, Piodalan ring Pura Perubungan ring rahina Buda Wage Kelawu.
- (5) Peusabaan ring Desa Adat Rendang kemargiang rikalaning :
 - a. Puramaning Sasih Kapat, wali peusabaan ring Pura Puseh mwan Bale Agung.
 - n. Penanggal ping 3, 5, 7, nuju kajeng kemargiang ring sasih ke Dasa, wali peusabaan ring Pura Dalem Praja Pati.
- (6) Pepalihan wali usaba Desa wenten 3 soroh, anut ring dangsil luwire :
 - a. Dangsil lablab.
 - n. Dangsil goreng.
 - r. Dangsil tungguh.

- (7) Pemargin peusabaan kemargiang 3 rahina, miwah sadurung Ida Bhatara mesineb patut katuran mepasaran a rahina.

Palet 2

INDIK YADNYA

Pawos 37

- (1) Pemargin upacara ring kahyangan Desa Adat Rendang kemanggehang manut ring tata krama pemargin aci.
- (2) Sahananing prelinggan Kahyangan Desa mwanng Dang Kahyangan patut kesuciang kesegara senunggil dasa warsa, nuju isaka warsa metenggek limang sasih kartika.
- (3) Setunggil selai warsa ring Kahyangan desa adate patut kawentang karya, pedudus agung mewraspati-kalpa.
- (4) Krama Desa Adat wenang ngaturang ayah memundut seupacaraning kahyangan desa ritatkala kemargiang aci pangilen-ilen.
- (5) Ritatkala wenten kahyangan desa ketiban bencana agung sesampun pura inucap kapahayu wenang ring pura inucap kawentenang Upacara Panubung Daging.

Pawos 38

- (1) Sang katiben cuntaka, mekadi sebel saking ngeraga :
 - a. Sebel kandel ngeraja swala, selami durung mabersih.
 - n. Sebel ngembasang oka, selami abulan pitung rahina.
 - c. Sebel pengantenan, selami durung mabeyakala.
 - r. Sebel riantukan madruwe kula warga kasedayan sedurung marerebu tigang rahina.
- (2) Sahanan anak bebinjat sadurung maprayascita.

(3) Anak mobot sane nenten wenten anak ngangkenin, sadurungngamargiang Pawidhi Widanaan antuk ngadegang gegawan anak lanang sekadi keris, saha kesaksinin antuk Prajuru Desa.

(4) Yan mamurug kedanda upacara merayascita pura macaru tur semayut prayascita atanding.

Pidabdab sane tan wenang kamargiang ring pura.

(1) Masumpah utawi macoran sajawaning polih panugrahan saking Prajuru Desa yan mamurug kadanda beras 10 kg.

(2) Mungguh tedun ring palinggih sajawaning pituduh prajuru. Yan mamurug kadanda beras 10 kg.

Pawos 39

Swang-swang pura meduwe pamangku, sane pacang ngunggah tedunang, miwah ngias prelinggan khayangan desa.

Pawos 40

Pemangku desa rikalaning seda wenang kaupakara pitra yadnya olih desa, ngantos puput separi polah atma wedana. Prajuru tan maren nitenin mangdene kesucian pamangku desane ajeng tur nganutin swadarmaning kepemangkuan miwah siwa sesana. Prajuru wenang nitenin sepemargin pemangku widi, mwan yan tan manut ring widi sastra ngantos ngewetuang urugada, pemangku inucap wenang kausanang olih prajuru.

Pawos 41

(1) Olih-olihan pemangku kepikolihang saking sesarin canang apah tigaan.

(2) Pemangku luput saking kekeninan daging mwan ayah-ayah ring desa.

Pawos 42

- (1) Pemangku desa tan wenang dados saksi wong mawicara, sejawaning mula kabiatang olih sang Amawerat.

Pawos 43

- (1) Sehanan yadnya yan sampun ngantos mapedudusan, wenang kapuput olih Sang Pandita.
- (2) Para diksita luput ring sehananing pakeninan ring Desa Adat, mwang tan keni tetegenan.
- (3) Layon sang diksita wenang kabasmi ring desa pakraman.

Pawos 44

Prajuru desa patut nyanggra tur nitenin kesucian sang meraga Sulinggih.

Palet 3

INDIK RESI YADNYA

Pawos 45

Sang madruwe yadnya ngaturang punia ring Sang sane muput yadnyane.

Pawos 46

Prajuru patut ngawas tur ngayomin, mialangin yan wenten pemargi ngelantudin pemargin yadnyane.

Pawos 47

- (1) Krama Desa Adat Rendang patut ngawas, nitenin katuntun antuk Prajuru mangda Yadnyane sane kawentenang kaicen pemuput olih Sang Sulinggih utawi Pemangku manut dresta.
- (2) Prajuru patut nuntun saha ngemanggala Krama Desa Adat Rendang ngawas, nitenin sepemargin wikunc ring wewidangannia, pamckas mikukuhin kasucian Linggih Ida.
- (3) Ngaturin Sang muput dana punia manut agung alit yadnyane.

Palet 4

INDIK PITRA YADNYA

Pawos 48

- (1) Sang sapa sira ugi sane madue kesediaan patut atur supeksa ring Prajuru Desa Adat.
- (2) Yan pacang ngeraksa sawe langkungan ring kalih rahina patut kapormalin utawi sape nunggilannia. Prade mamurug kedanda beras 5 kg tur sawe inucap mangda gelis kependem utawi kebasmi.
- (3) Sang ngabenang sawa wenang ring setra. Yan mamandel pengabenane wenang kapialang olih Desa.

Pawos 49

- (1) Prade wenten anak saking dura Desa ayat mendem utawi masmi lan ngelaksanayang atiwa-atiwa ring setra Desa Adat Rendang patut atur supeksa ring Prajuru Desa. Yan kalugra sang pacang ngelaksanayang atiwa-atiwa patut naur pananjung batu gung arta beras 50 kg, yan pituduh sang amawerat tan keni pananjung batu.
- (2) Tan kawenangan ngamargiang pangabehan ring sajroning sasih kapat mwah kedasa, sawawaning kabahaan.

- (3) Pamargin pitra yadnya utawi nyapuh setra patut ngawentenang upacara manut pituduh Agama Hindhu, miwah yan sampun tutug tigang rahina patut masesapuh ring setra, ring Pura Praja Pati mwan ring Pura Dalem.

Pawos 50

- (1) Yaning wenten anak seda sangkaning salah pati, ulah pati wenang kepastikayang ring Prajuru Desa Adat miwah ring sang Amawerat.
- (2) Sawa sane sinanggeh ring patet (1) sadurung kaparitetes olih Sang Amawerat tan dados kagingsirang sakeng genah sedane.
- (3) Prade wenten ada krama desa seda ring dura desa sawa ipun dados kabakta mantuk kekarang paumahan nyane.
- (4) Setra Desa Adat Rendang wenten kalih palebahan sane sinanggeh setra pema-jangan genah mendem sawan anak alit durung ketus untu miwah seupacarrannia. Setra pemuun genah mendem sawa miwah seupacaraning Pitra Yadnya.
- (5) Tan kadadosang mendem sawa ring rahina sane sinanggeh larangan sejawaning mendem pakinsan luwir ipun :
- Rerahinan jagat (Buda Kliwon, Anggara Kliwon, Buda Wage, Saniscara Kliwon).
 - Purnama, Tilem, Pruwani, tanggal/pangglong ping 9 (Gagak Anungsung pati ngaran).
 - Semut sedulur, Kala Gotongan, utung magelut (rurung apit setra).
 - Inkel Wong.
 - Ritatkala batara ring Kahyangan Desa nyejer.
 - Yan mamurug kadanda beras 50 kg.
- (6) Rikala batara ring kahyangan desa nyejer sang kebahan pacang mendem makinsan patut sawa punika kamargiang rikala wengi.
- (7) Tan kadadosang nginepang bangbang, prade pamendemane durung pastika bangbang inucap kaurug.
- (8) Yan wenten krama desa seda kekalih utawi langkung ring sajeroning arahina, pemargine mendem sawa inucap anut ring pawarah Bendesa Adat, saha kependem puput arahina.

- (9) Yan wenten upacara pengabenan rangkungan ring asiki sajroning arahina muang papendeman wenang nunas pituduh Prajuru Desa.
- (10) Yang wenten anak istri seda ngadut manik wenang kageseng utawi kapendem, nanging garbania kateteteihin antuk batu.

Palet 5

INDIK MANUSA YADNYA

Pawos 51

- (1) Sang pacang mapodgala madwijati sajaba nunas panugrahan ring Parisada patut atur supeksa ring Prajuru Desa.
- (2) Prajuru inucap sareng nitenin, nureksa mangda sulur mwah pamargne jati-jati manut ring agama.
- (3) Sasampun puput padwijatinia Prajuru Desa patut digelis ngentosin pesengan sang madwijati ring sahananing lekita antuk biseka kawikon manut panugraha nabene saha kasiarang ring paruman desa.

Palet 6

INDIK BHUTA YADNYA

Pawos 52

- (1) Bhuta yadnya inggih punika pabeyakalan ring Ibu Pertiwi miwah Kahyangan majeng ring sarwa Prani muah ring sarwa Bebhutan.
- (2) Upekara-upekara pabeyakalan ring Ibu Pertiwi miwah ring Kahyangan Desa lan ring Bebhutan kewastanin mecaru.
- (3) Pecaruan inucap Utama, Madyalan Nista manut wigunania kadi ring sor :
- Eka sata.
 - Panca sata.
 - Resigana.

- r. Panca sanak.
- k. Panca kelud.
- d. Balik sumpah.
- t. Tabuh gentuh.

Pawos 53

- (1) Upeacara Bhuta Yadnya sane kamargiang ring Desa Adat Rendang luwir ipun:
 - a. Pacaruan ring ulun setra Desa Adat Rendang.
 - n. Pacaruan ring catus pataning Desa adat Rendang.
 - r. Cacaron sasih manut lontar Roga Senggara Purna mwang lontar Roga Senggara Bumi.
- (2) Saupakaraning Bhuta Yadnya kamargiang ring Desa Adat manut catur dresta.
- (3) Pamargin upacara Bhuta Yadnya sane sinanggah ring patet (1) luwir ipun :
 - a. Pacaruan ring ulun setra kamargiang sanunggil tilem sasih kawulu. Mwang pinaka ulon caru ngangge bayang-bayang banten plen.
 - n. Pacaruan ring catus pataning desa kamargiang ring tilem sasih kasanga, pinaka ulon caru sinanggeh panca sanak, mapedudusan.
 - c. Pamargin cacaron sasih kamargiang nganutin daging lontar sane kasinang-gah Roga Senggara.
- (4) Rikalaning tilem sasih kasanga, krama desa patut ngamargiang tawur mwang sasayut pabiyakala ring sawaning desa.
- (5) Ring tanggal apisan, sasih kadasa, kamargiang catur brata panyepian maka cihna krama desa ngamargiang rarahinan jagat sane sinanggah Nyepi.
- (6) Catur brata panyepian sane pastika kamargiang ring Desa Adat Rendang minekadi :
 - a. Amati Geni: Tan kadadosang ngendihang geni, sajawaning malarapan anak madruwe rare urung tutug 3 sasih, matepatin anak sungkan, madruwe layon utawi kasedayan. Ring sang sane kasinanggah ring ajeng patut supeksa ring prajuru desa adat.
 - n. Amati Karya : Tan kadadosang ngembat karya utawi yambut sahananing karya.

- c. Amati Lalungayan : Tan kadadosang malalungayan, sajabaning wenten pabuat pamargi sakadi pancabhaya, ngarereh tamba utawi anak jagi ngem-basang putra.
- r. Amati Lelangon : Tan kadadosang nyuarayang sahananing sanc ngawe-tuang swara.

(7) Yan prade mamurug sinalih tunggil kecap ring patet (6) sang mamurug wenag kadanda beras 1 kg.

(8) Prade wenten cihna wesa ring jagat, kramadesa wenang ngawentenang caru manut dudonan, sakadi sanc sinanggih ring lontar Rogga Senggara bumi mwanng lontar Rogga Senggara Purna.

SARGA V

SUKERTA TATA PAWONGAN

Palet 1

INDIK PARABIAN

Pawos 54

- (1) Parabian inggih punika patemoning purusa lawan predana malarapan panunggalan kayun sukacita kadulurin upasaksi sekala niskala.
- (2) Perabian inucap nganutin Awig-awig Desa Adat Rendang lan Pasukertan sang amawarat tur mangdena presida kelaksanayang patut kasaksinin oleh prajuru.
- (3) Pamargin parabian luwire :
 - a. Papadikan, maduluran antuk suka cita sangkaning paigum pikayun kulewarga sang kalih.
 - n. Marangkat, melarapan antuk suka cita lanang istri wates pajatine arahina ring awengi, yan mamurug ring parindik puniki kadanda 50 kg beras.
 - c. Akeh pajatine paling alit kalih diri patut mabusana adat.
 - r. Mapajati patut ring reramane twi, yan tan wenten patut karauhang ring waris kapurusa.
 - k. Prade pamargin rangkate kasumangsayain sang madruwe wirange dados ngamargiang panegdeg, nanging mangda kasarengin olih prajuru desa kalih sang amawarat.
 - d. Ring sajeroning ngamargiang panegdeg tan kawenangan makta saluiring sanjata.
 - t. Yan pamargin rangkate macihna tan sangkaning krama suka, lanange patut keni danda 200 kg beras tur pamargin rangkate kapalasang. Yan tan manut wicarania katur ring sang amawarat.
 - s. Sadurung ngeluku utawi makta jauman, sang ngambil patut ngamargiang utusan pangendek malih ring sang madruwe oka sane kaambil, riatukan ngantenang pamargin jejaumane.
 - w. Sang wirang istrine yan linyok ring pasubaya pangendek wenang kadanda 100 kg beras tur rangkate kapuputang olih prajurudesa.
 - l. Yan wenten ngarangkatang kadura desa patut nguningayang ring prajuru desa adat muang sang amawarat.

m. Yan wenten pangetut saking kulewarga sang karangkatang patut atur supk-sa ring prajuru desa adat kalih sang amawarat.

- (4) Perabian sane tan kapatutang kadi ring sor :
- a. Tan dados ngerangkatang Tumin dia nyama.
 - n. Pianak temen, Pianak dia nyama, Rerama dia nyama, semeton sodet, semeton sios nyama, semeton dia cambra, Pianak peperasan, pianak kualon lan warang. Yan mamurug patut kepalasang saha ngererebuin ring genah pekarangan rangkate.
 - c. Yan wenten anak lanang macihna angrabini wang alaki rabi, sang angrabini inucap kedanda 100 kg beras tur wirang anake istri patut ngaturang wicariania ring Sang Amawerat, yan mamurug kedanda 50 kg beras.
 - r. Yan wenten anak mecihna memitra ngalang sekadi anak makurenan patut prajuru desa maosin tur ngicen pemutus :
 1. Yan sang kalih sami-sami nenten madruwe rabi patut karangkatang, yan tan presida wicariania katur ring Sang Amawerat, prade pamutuse patch sang lanang kedanda 100 kg beras.
2. Yan Sang lanang sampun madruwe rabi patut pemargin memitra ngalange kepalasang tur kedanda beras 100 kg.

Pawos 55

- (1) Perabian sane kemanggechang patut manut Desa Adat Rendang indik pawidi widanaan kapuputang antuk Sulinggih utawi tirtan Sulinggih sane kamargiang antuk pamangku.
- (2) Prajuru sane kesinanggeh saksi manut pawos 54 patet 2 ring ajeng inggih punika, prajuru Desa Adat, kalih sang Amawerat.
- (3) Sang merabian ngawit tedun ngayah mekrama Desa sejabe sampun mewidi widana lan naur wakagara patut wenten Akta Perabian.

Palet 2

INDIK PALAS MARABAN

Pawos 56

- (1) Perabian prasida usan malarapan antuk palas utawi kapademaan.
- (2) Wusan mapakurenan riantukan sinalih tunggil seda mapiteges balu.
- (3) Palas marabian wenten sangkaning pada lasia utawi mawiwit wicara macihna tan tumus suka-citaning panunggalan idep sang alaki rabi mapiteges Nyapian.
- (4) Tata Cara palas marabian :
 - a. Yan wenten krama Desa mapikayun jagi palas marabian patut atur supeksa ring prajuru Desa, olih prajuru Desa wicarania kabaosin tur kaicen pamutus ring sangkepan desa.
 - n. Yan pamutus prajuru Desa tan katerima, wicarania dados kalanturang ring Sang Amawerat.
 - c. Prade pamutuse patch kadi kaicen Prajuru Desane wenang kadanda 50 kg beras.

Pawos 57

- (1) Prade riwekas Sang palas marabian macihna adung malih patut ngalaksana- yang Upacara pawidi widanaan.

Pawos 58

- (1) Soang-soang balu manut pawongania kabinayang dados :
 - a. Balu luh wit sentana rajeg.
 - b. Balu luh boya sentana rajeg.
- (2) Swadarmaning balu inucap patut :
 - a. Ngawisesa waris, pagunakaya, tankewasa ngadol, ngadeang, makidihang sajeroning durung polih pemutus paigum saking Sang patut ngewaris.
 - n. Yening balu inucap meras sentana kedadosang yan sadurung sinalih tunggil seda sampun wenten pidabdab tur kasetujuin antuk kulawarga kapurusa.

- c. Manut sekadi pemargin perabian ring Desa Adat Rendang kengin ngambil baluan semeton minakadi Ipah cerikan utawi Ipah kelihan.

Pawos 59

- (1) Balu luh tan pagch luwire : Matilar saking jero utawi pakubonan tan pasadok sajeroning tigang sasih.
- (2) Prade balu inucap pagch nganutin swadarmania katundung antuk Sentanania utawi kulawarga kapurusa, Balu inucap patut polih pahpahan pagunakayaan, sane lanang polih ategen sane istri polih asuhun.

Palet 3

INDIK SENTANA

Pawos 60

- (1) Mungguwing sentana sane sampun ketah ring Desa Adat Rendang wenten kalih soroh :
 - a. Prati sentana wiyadin sentana rajeg.
 - n. Sentana peperasan utawi dama putra.
- (2) Yan wenten Krama Desa pacang meras sentana patut atur supeksa ring prajuru Desa kalih ring pamuput polih lekita saking Sang Amawerat.
- (3) Sulusur pemargin paperasane sekadi ring sor :
 - a. Sampun polih paadung saking wirang-ngarep sang pacang kaperas.
 - n. Atur supeksa ring prajuru Desa.
 - c. Ngemargiang upakara paperasan tur kesaksinin olih Prajuru Desa.
 - r. Polih pamikukuh saking Sang Amawerat.
 - k. Prajuru Desa patut nyiarang ring Desa Pakraman.
- (4) Sang kaperas patut kadi ring sor :
 - a. Anak maagama Hindhu.
 - n. Mawit saking keluarga kepurusa, yan tan wenten kankat saking wadu, prade taler tan dados sakita karep.

INDIK WARISAN

Pawos 61

- (1) Wewarsan inggih punika wewarisan utawi tetamian arta-brana utang-piutang, ayah-ayahan sekala niskala saking kulewargania arep ring keturunannia.
- (2) Sane kasinanggeh warisan :
 - a. Druwe tengah karang paumahan, pemerajan, miwah pura sesuhunan.
 - n. Gunakaya, tetattadan, jiwadana, lan utang-piutang.

Pawos 62

- (1) Waris luwire :
 - a. Prati sentana kepurusa utawi sentana rajeg.
 - n. Sentana peperasan.
- (2) Prade tan wenten waris manut wiwit (1) sane dados waris luwire :
 - a. Turunan kepurusa kapernah ngunggahang makadi Rerama dia misan, Rerama dia mindon kalih selanturnia nedunang.
 - n. Tuturunan kepurusa kapernah kesampiong makadi kaponakan, keponakan dia mindon, miwah selanturnia nedunang.
- (3) Yan putung utawi camput tan madruwe papernahan, kewaris antuk Dadia, yan tan madruwe Dadia patut kaserahang ka Desa Adat.

Pawos 63

Pah-pahan waris manut ring sor :

- (1) Risampun kelaksanayang pengabenan lan utang-piutang waris buntas.
- (2) Para waris polih pah-pahan pada sane marupa pagunakaya, sejawaning Karang Paumahan Desa, sane kaamong Waris kang kasinggeh Kraima Desa Ngarep.

- (3) Sinalih tunggil waris ring ajeng tan polih pah-pahan ning matilar saking Agama Hindu.
- (4) Pewaris dados ngeduman padruweannia ring sajeroning kantong urip :
 - a. Jiwa dana tetattadan utawi bekel ring pianak sane kesah mapumahan utawi makurenan.
 - n. Ngedumang pengupa jiwa.
 - c. Ngedumang tetegenan wiadin gunaraksa, pahan waris padgata kantong pedum jumenek arep ring waris.
- (5) Pidabdab waris Karang Desa kepatut sane ngewaris Sentana sane kapittetes tur kapatutang ring Prajuru Desa Adat.
- (6) Karang Desa sane kasuungin utawi tan kagenahin mawaneng a warsa antuk sang ngewaris wenang kedaut olih Desa.

Pawos 64

- (1) Prade wenten sekadi ring ajeng, prajuru desa nibakang ring krama desa sane mapinunas kalih wiyakti nenten madruwe genah panuureksa prajuru desa.
- (2) Yan tan kaayahang sesampune kapaica mewaneng tigang sasih utawi tan kapidabdabang mawaneng awarsa, karang inucap wenang kedaut utawi kejabut olih desa.
- (3) Krama desa sane magenah ring dura desa kedadosang nunas karang prade kantun wenten genah manut pangelokika prajuru desa.
- (4) Karang sane kasinanggeh sampun nganutin uger-uger kagenahin sanistania mangda wenten :
 - a. Puwaregan utawi Paon.
 - n. Sanggah Kemulan.
- (5) Karang telajakan tan kedadosang kaosa-osa ring sang madruwe telajakanne sadurung wenten paras-paros, prade kepurug wenang kebaosin olih prajuru desa tur kekenin danda 10 kg beras saha ngewaliang telajakan sang kaosa.
- (6) Yan wenten ngeranjingin utawi ngarangin wawu madaging tanam tuwuh patut sang ngeranjingan punika naur atuhu pati manut pengargania.

SARGA VI

WICARA LAN PAMIDANDA

Palet 1

INDIK WICARA

Pawos 65

- (1) Yan wenten wicara ring desa adat Rendang patut kebawosin tur kaputus olih perarem desa, miwah pemutus inusap kemargiang olih prajuru desa.
- (2) Sehanan wicara utawi pigejuh sane macihna lempas tur mamurug ring sedaging awig-awig, paswara muang peraremdesa utawi banjar wenang kebawosin tan malih nyantos pesadok.
- (3) Sahanan wicara patut ketepasin ngantos tinglas iwang patutniasaha melarapan antuk kewentenan ilikita, bukti muang saksi.
- (4) Sahanan pamutus tetepasan wicara tan maren nepek ring sedaging awig-awig pasuwara lan perarem.
- (5) Sahaning pamutus wicara tan maren mangda Sang mawicara prasida adung nyungkemiin tur nganutin tetimbang pajuru lan perarem desa.

Pawos 66

- (1) Prajuru desa wenang nunasang geguwat pematut ring sang amawerat prade wenten krama desa adat amandel ring pamutusnia bilih-bilih ngawinang dus-kreta ring desa pekraman.
- (2) Krama desa sane tan cumpu ring tetimbang tur pemutus perarem desa prajuru desa adat nunas pematut ring Sang Amawerat.
- (3) Prade pamutus Sang Amawerat patch ring tetimbang tur pemutus perarem desane, sang nunasang bebawos wenang kedanda 25 kg beras.

Palet 2

INDIK PAMIDANDA

Pawos 67

- (1) Desa Adat wenang atetiwak pamidanda ring krame desa sane macihna sisip.
- (2) Tetiwak pamidanda sane kemargiang olih Prajuru Desa kemargiang madudonan manut kasisipane.
- (3) Bebacakan pamidanda sane kemargiang ring Desa Adat Rendang minckadi :
 - a. Danda Arta.
 - n. Danda ayah panukun sisip.
 - c. Panikel urunan mwang panikel dedandan.
 - r. Danda upecara mwang penyangaskara.
 - k. Danda kaeladang saking Desa Adat miwah katunasang ring Sang Amawer-rat.
- (4) Pamidanda sane marupa arta brana dados druwen desa.

SARGA VII

NGUWAH-NGUWUHIN DAGING AWIG-AWIG

Pawos 68

- (1) Nguwah-nguwuhin Desa Adat Rendang puniki kemargiang ring paruman wiadin desa.
- (2) Papanuman desa pacang mawosin daging wicara sane inucap ring wiwit (1) ring ajeng mangda kadasarin sangkaning pekarsan krama desa.
- (3) Peparuman indik pacang mawosin nguwah-nguwuhin awig-awig kengin medal saking Prajuru Desa utawi silih tunggil kramna desa.
- (4) Pamutus bebawos kadasarin antuk perarem gilik-saguluk yan tan prasida suara sane makehan kasinanggeh pamutus.

SARGA VIII

PAMUPUT

Pawos 69

- (1) Awig-awig puniki kawastanin Awig-Awid Desa Adat Rendang.
- (2) Awig-awig puniki kamargiang ngawit keraremin.

Pawos 70

- (1) Sakeluwiring sane wenten sedurungnia patut keanutang ring sedaging awig-awig puniki.
- (2) Sakeluwiring sane durung kebawos ring sajroning Awig-awig puniki patut kelaksanayang manut tatacara sane sampun ketah memargi kedulurin antuk perarem.

Pawos 71


- (1) Awig-awig puniki keadegang antuk sangkepan krama Desa Adat Rendang, duk rahina Buda Kliwon wara Ugu, Sasih Kelima, Titi Tanggal 2, Rah 6, Tenggek 12, Isaka Warsa 1914, tanggal Masehi 28 Oktober 1992.
- (2) Prajuru Desa Adat Rendang kalih para saksi sane sareng ngardi Awig-awig puniki saha ngalingga tanganain.
- (3) Luwir Sang ngalingga tanganin :

1. Bendesa Adat Rendang


Penyarikan Desa Adat Rendang

I WAYAN SARIANA

I WAYAN PICA SEDANA




3. Juru Raksa Desa Adat
Rendang,




LKETUT MENGKEG

4. Pemangku Pura Penataran
Bale Agung,




LMANGKU SELIK

5. Pemangku Pura Puseh,




LMANGKU NGIDEP

6. Pemangku Pura Perubungan,




LMANGKU NIRI

7. Klian Banjar Langsung,




LMANGKU NENGAH GENEK

8. Klian Banjar Rendang Tengah,



LWAYAN SIDA

9. Klian Banjar Rendang
Dangin Pasar,




LKOMANG GIARIANA

10. Klian Banjar Rendang
Baler Pasar,




LKOMANG JAWI

11. Klian Banjar Rendang
Kelod,




LNENGAH NULANDRI

12. Klian Banjar Bencingah,




IMADE SULADERI


13. Klian Banjar Bangbang Kangin,


IKETUT WASI


14. Klian Banjar Bangbang Kawan,


IWAYAN KAWI


15. Klian Banjar Bangbang Pande,


I NYOMAN SALIN


16. Klian Banjar Bringalot,


IWAYAN SUKARTA BA


17. Klian Banjar Muku,


IMADE SUTA


18. Klian Banjar Geriya,


IWAYAN RENYEP

Kepala Desa Rendang,


IKOMANG WILAYA

Camat Rendang,


CAMAT
RENDANG

DR. IWAYAN WISNUATA
NIP. 010073258

Amlapura,

Bupati Kepala Daerah dan telah dicatatkan
Bupati Kepala Daerah Tingkat II Karangasem


IKETUT MERTHA, Sm. Ik

Lampiran :

TEAM PENYEMPURNAAN/PENELITI AWIG-AWIG DESA ADAT
KABUPATEN DAERAH TINGKAT II KARANGASEM.


- I. PENASEHAT : 1. Bupati Kepala Daerah Tingkat II Karangasem.
2. Sekretaris Wilayah/Daerah Tingkat II Karangasem.
3. Kepala Kantor Departemen Agama Kab. Karangasem.
- II. KETUA : I Wayan Sudiarta, SH (Kepala Bagian Hukum Setwilda Tingkat II Karangasem).
- WAKIL KETUA : IDA BAGUS PIDADA ADNYANA (Ketua Parisada Hindhu Dharma Kabupaten Karangasem.)
- SEKRETARIS : ANAK AGUNG GDE RAI SH (Stap Bagian Hukum).
- III. ANGGOTA - ANGGOTA : 1. I Nengah Pasek, SMHK (BPPLA Kab. Karangasem)
2. I Gst Made Djatmika (Parisada Kabupaten Karangasem).
3. I Ketut Bona (Staf kantor SOSPOL Kabupaten Karangasem).
4. Drs I Wayan Suter (Staf Kantor Departemen Agama Kabupaten Karangasem).
5. Drs Ida Bgs Wayan Oka Diksa (Staf kantor Dep. Agama Kabupaten Karangasem).
6. I Gede Bendesa (Staf Kejaksaan Negeri Amlapura).
7. I Made Suprata SH (Ka.Sub. Bag.Perlahlum pada Bagian Hukum).
8. I Dewa Putu Raka (Staf POLRES Karangasem)
9. I Gst Lanang Jendra (Staf Kesra Setwilda Tingkat II Karangasem).

10. Ida Bagus Ngurah SWD (Parisada Hindu Dharma Kabupaten Karangasem).
 11. Ida Bgs Ketut Tantra (Staf Pengadilan Negeri Amlapura).
 12. I Gede Semara (Ka.Sub. Bag. Dokumentasi Hukum pada Bag Hukum).
-


Amlapura, 20 Agustus 1992

Team Penyempurnaan/Peneliti Awig-Awig
Desa Adat Kab. Dati. II Karangasem.

Ketua,


LWAYAN-SUDIARTA, SH.

Sekretaris,


ANAK AGUNG GDE RAI, SH.